

Акафист святому равноапостольному Николаю, архиепископу
Японскому.

Кондак 1

Избранный от родов русских на благовестие Христово в стране Японской, душу твою полагал еси за овцы твоя, утверждая их в вере истинной. Темже подвиги твоя почитаяще, хвалим тя: Радуйся, святыи равноапостольный Николае, земли Японския просветителю.

Икос 1

Ангел, якоже Товии иногда, спутешествова тебе, отче Николае, егда в младая лета твоя направил еси стопы в страну, далече отстоящую, да просветиши люди, во тме неведения седящая, светом Евангелия Христова. Сего ради вопием ти сице:

Радуйся, Смоленския земли славное рождение;
радуйся, от младенства храм Божий возлюбивый.
Радуйся, в сиротстве Богоматерию Одигитриею не оставленный;
радуйся, духовными ученьми умудренный.
Радуйся, на бдении всенощнем призвание на труд апостольский приемыи;
радуйся, сладость мира ни во чтоже вменивый.
Радуйся, чина ангельскаго и сана священнаго удостоенный;
радуйся, к неведящим спасения милости исполненный.
Радуйся, проповедати Евангелие вожделевый;
радуйся, и дальних яко ближних возлюбивый.
Радуйся, гонения за веру не страшивыйся;
радуйся, козней вражиих не убоявыйся.
Радуйся, святыи равноапостольный Николае, земли Японския просветителю.

Кондак 2

Видя подвиги святителя Иннокентия, богомудраго просветителя Сибирскаго и Алеутскаго, и от того благословение и наставление на путь свой прием, поревновал еси ему, слово Божие людем непросвещенным неустанно проповедуя и Господеву пою: Аллилуиа.

Икос 2

Разум во смирении явил еси, святче, Господу моляся о еже прияти ясное разумение языка японскаго: «Како проповедаю народу чуждему? Како отверзу уста неискусная, аще не Сам Ты наставиши

мя?» Мы же, дивящися, како ты словеси богодохновенными паству твою своим ей наречием поучал еси, восхваляем тя:

Радуйся, любовьию Христовою вся побеждавый;
радуйся, духовныя младенцы словеси Евангельскими питаый.
Радуйся, враждующия в чада любовьию претворивый;
радуйся, тех грехи крещением омывый.
Радуйся, учеными неустанными веру укреплявый;
радуйся, наставник рачительный и добрый явивыйся.
Радуйся, пресвитеров японских поставивый;
радуйся, церковный чин устроивый.
Радуйся, о стране Японской молитвенниче;
радуйся, согласия братскаго поборниче.
Радуйся, светильниче веры православныя;
радуйся, сокровище кротости духовныя.

Радуйся, святыи равноапостольный Николае, земли Японския просветителю.

Кондак 3

Сила Вышняго осени и укрепил ты, отче, егда пришел еси в страну языческую, смерти чада своя предающую за приятие благовестия Христова. Ты же, в земли сей прозревая ниву Божию, воспевал еси Спасителю: Аллилуиа.

Икос 3

Имеяи любовь нелицемерную, чаял еси страну Японскую бити невесту украшенную, Жениха Христа на брак ожидающую, обаче сретоша ты народи, проповеди Евангельския чуждающиеся. Темже, почитающе подвиг апостольства твоего в земли сей, прославляем тя:

Радуйся, сеятелю слова Божия неленостный и щедрый;
радуйся, всемогущею силою Креста Господня укрепленный.
Радуйся, столпе веры и благочестия непоколебимый;
радуйся, пастырю небоязненный и чадолюбивый.
Радуйся, разум имый Богопросвещенный;
радуйся, проповедниче немолкающий.
Радуйся, в послушании воли Божией утвердивыйся;
радуйся, помощника крепка себе Бога стяжавый.
Радуйся, исповедников сопричастниче;
радуйся, верный о нас молитвенниче.
Радуйся, скорбящих милостивый утешителю;
радуйся, по заповеди Господни враги своя любивый.

Ра́дуйся, святы́й равноапосто́льный Нико́лае, землі Япо́нскія
просветі́телю.

Кондак 4

Бу́рю лю́тую воздвиго́ша на правосла́вных христиа́н служи́телие
и́дольстии, зрѣти не терпя́щии числа́ ве́рных умножа́емаго и Це́ркве
Христо́вы созида́ющияся. Ты же, ра́дуясь му́жеству и терпѣ́нию чад
твои́х, в темни́цах заключѣ́нных, купно́ с ними́ возглаша́л еси́ Бо́гови:
Аллилу́иа.

Икос 4

Слы́шаще, яко́ учѣ́ние Христо́во вся наро́ды объѣмлет и приѣмлет
их равночѣ́стно, и яко́ обители́ ве́рным мно́ги на Небесе́х Госпо́дь
угото́ва, притека́ху к тебѣ́, па́стырю до́брый, му́жие и жены́, о́троцы и
ста́рцы; те́мже и мы возглаша́ем ти:

Ра́дуйся, ма́лое ста́до Христо́во собра́вый;
ра́дуйся, те́сным путе́м к Бо́гу его́ приве́дый.
Ра́дуйся, Аки́ле и Приски́лле подража́ти ве́рныя научи́вый;
ра́дуйся, це́ркви дома́шнія утверди́вый.
Ра́дуйся, о́бщия трапѣ́зы благослови́вый;
ра́дуйся, ча́да в беда́х нико́лиже оста́вля́вый.
Ра́дуйся, крѣ́пким в ве́ре немощны́я вруча́вый;
ра́дуйся, изнемога́ющих оте́ческою длáнию держа́вый.
Ра́дуйся, му́дро на ниве́ Христо́вой се́явый;
ра́дуйся, Це́рковь на ка́мени твёрде́м стро́ивый.
Ра́дуйся, ра́бе усѣ́рдный, вру́ченнаго тала́нта не сокры́вый;
ра́дуйся, рассу́ждение духо́вное обильне́ яви́вый.

Ра́дуйся, святы́й равноапосто́льный Нико́лае, землі Япо́нскія
просветі́телю.

Кондак 5

Боготѣ́чная звезда́ яви́лся еси́, о́тче, Со́лнцу Пра́вды Христу́ служá
рэвно́стне и ко Го́споду приводя́ ве́рных, яко́же дрѣ́вле звезда́
Вифле́емская. Егда́ же возведѣ́н был еси́ в сан архиере́йскій,
благода́ть сугубу́ю Це́рковь Бо́жью устро́ити и ду́ши челове́чскія
просвещáти прия́л еси́. Светоно́сною же моли́твою тво́ею и мы
осеня́емии, вопи́ем Христу́: Аллилу́иа.

Икос 5

Ви́дя ка́пища и́дольская, со слезáми моля́шеся святы́й: «Где
сози́жду це́рковь Тебѣ́, Го́споди?» – и бы́сть услы́шана моли́тва его́.

Чудный храм Воскресения Христова во граде Токио труды многими и помощью людей русских воздвигся. Сего ради и мы богоносному святителю, в его же память донине храм той Николай-до нарицается, возносим похвалы таковыя:

Радуйся, яко елень на источники водныя, к Божественной Трапезе притекавый;

радуйся, собор Воскресения Христова и другия храмы возведый.

Радуйся, Крест над градом стольным утвердивый;

радуйся, звон кампанный до небес вознесый.

Радуйся, пламень гонения на христиан угасивый;

радуйся, почитание премное в людех японских стяжавый.

Радуйся, благим обычаем не возбранивый;

радуйся, друга и брата в народе японском обретый.

Радуйся, Богом посланный просветителю;

радуйся, верный Господень домоправителю.

Радуйся, ныне увенчанный славою небесною;

радуйся, торжествуяй дивно силою Крестною.

Радуйся, святыи равноапостольный Николае, земли Японския просветителю.

Кондак 6

Проповедницы святого Евангелиа радуются в горних чертозах, приемлюще тя, якоже собрата. Мы же, сродницы твои, в прославлении твоём милость Божию к нам, грешным, зряще велию, Богу воспеваем: Аллилуиа.

Икос 6

Воссиял еси яко звезда новая, отче Николае, от земли Смоленския даже до страны Японския дошед, и апостольскими труды дивным русским святым уподобився: Владимиру Равноапостольному, Стефану Пермскому просветителю, Иннокентию Иркутскому и Герману Аляскинскому, яже суть Церкви нашей божественное сияние. Мы же, великия радости исполнени, в лице сем прославляем тя, новаго Божия угодника:

Радуйся, диакона благочестиваго добрый сыне;

радуйся, нищету смиренно претерпевый.

Радуйся, обет нестяжания Богу принесый;

радуйся, обещания иноческая даже до смерти соблюдый.

Радуйся, архипастырю, в ризы ветхия облеченный;

радуйся, во убогих келлиях поживый.

Ра́дуйся, в ми́ре живы́й, оба́че мирская́ презре́вый;
ра́дуйся, до преде́лов зело́ да́льных доше́дый.
Ра́дуйся, му́дрый наста́вниче новопросвеще́нных;
ра́дуйся, попечи́телю о рыбака́х ай́нских.
Ра́дуйся, сподви́жников себе́ во учи́лищех возрастíвый;
ра́дуйся, вертогра́д в земле́ Япо́нской насади́вый.
Ра́дуйся, святы́й равноапосто́льный Нико́лае, земли́ Япо́нския
просвети́телю.

Кондак 7

Хотя́й Це́ркви Япо́нской па́стырей до́брых и миря́н ве́рных
возрасти́ти, о́тче Нико́лае, устро́ял еси́ шко́лы и учи́лища духо́вная, и
собра́л еси́ наста́вников прему́дрых, и пе́ние церко́вное до́бре учини́л
еси́, во е́же па́стве мно́гой ви́ну с тобо́ю пе́ти: Аллилу́иа.

Икос 7

Но́вое яви́ся торжество́ во гра́де То́кио, егда́ соверша́ше святи́тель
празднование Воскресе́ния Христо́ва в хра́ме собо́рнем, тогда́ видеша
лю́дие япо́нския Па́сху Бо́жию спаси́тельную. Мы же, добродете́лем
твои́м, о́тче Нико́лае, дивя́щеся, вопие́м велегласно́:

Ра́дуйся, устро́ителю церко́внаго пи́ра честне́йший;
ра́дуйся, в ве́це жесто́цем любо́вь Христо́ву сохра́нший.
Ра́дуйся, на всяк день и час спасе́ния ра́ди бли́жних подвиза́выйся;
ра́дуйся, неле́нотне ве́рныя посеща́вый и наста́вля́вый.
Ра́дуйся, в прело́жении свяще́нных книг да́же до кончи́ны
трудíвыйся;
ра́дуйся, благода́ть Бо́жию в де́лании непреста́ннем стяжа́вый.
Ра́дуйся, про́поведию зерно́ горчи́чное насади́вый;
ра́дуйся, дре́во прекра́сное ве́ры возрастíвый.
Ра́дуйся, плоды́ трудо́в свои́х при исхо́де узре́вый;
ра́дуйся, дре́во си́е многопло́дное нам заве́ща́вый.
Ра́дуйся, и по кончи́не неведу́щая к Бо́гу приводя́й;
ра́дуйся, пребыва́яй ны́не со все́ми святы́ми в Ра́й Иису́сове.
Ра́дуйся, святы́й равноапосто́льный Нико́лае, земли́ Япо́нския
просвети́телю.

Кондак 8

Стра́нная и чу́дная видеша лю́дие, егда́ христиа́не япо́нския вои́ном
ру́сским плене́нным бра́тски служа́ху и всякое милосе́рдие тем явля́ху.

Мы же, плодам любви Христовой в новопросвещенных чадах Церкви Японской дивящися, Господу песнь воспойм: Аллилуиа.

Икос 8

Всего себе предал еси на служение Богу, равноапостольне Николае, и людем такожде о Господе служа непрестанно, обоя заповеданная премудре исполнил еси. Темже тебе, царским путем добродетелей прошедшему, умиленно воспеваем:

Радуйся, Божий усердный служителю;
радуйся, плененных русских воинов попечителю.
Радуйся, Безкровную Жертву за люди твоя приносивый;
радуйся, души смущенныя умиривый.
Радуйся, паству твою в тяжкия дни брани не оставивый;
радуйся, душу свою за паству полагавый.
Радуйся, милости и мужества наставниче;
радуйся, отверженных тихое пристанище.
Радуйся, сокровище смирения;
радуйся, образе покаяния.
Радуйся, вера непостыдная;
радуйся, любовь непобедимая.

Радуйся, святой равноапостольный Николае, земли Японския просветителю.

Кондак 9

Всякое древо по плодам познается, плод же трудов твоих велиих есть спасение людей премногих. Явиша бо ся многия тысячи православных христиан тамо, идеже прежде не бе ни единого. Сего ради возопийм наставльшему ты на проповедание твое Господу: Аллилуиа.

Икос 9

Ветии многовещаннии подвигом твоим изумляются, ангели с тобою ликовствуют, мы же, разумюще смиренное и подвижническое житие твое, духовную брань противу мира, плоти и диавола непрестанную, и терпение премногое, хвалим тя сице:

Радуйся, не древле, но в последняя времена подвизавыйся;
радуйся, лютую брань уныния победивый.
Радуйся, Христа безстрашное исповедание;
радуйся, безбожия, язычества и ересей посрамление.
Радуйся, образе архипастыря православнаго;

ра́дуйся, исто́чнице ве́дения духо́внаго.
Ра́дуйся, нераде́ния на́шего обличе́ние;
ра́дуйся, во бранéх духо́вных укрепле́ние.

Ра́дуйся, молéния отéчески приéмляй;
ра́дуйся, прошéния на́ша исполня́й.
Ра́дуйся, безсме́ртныя ра́дости испо́лненный;
ра́дуйся, воздая́нием мно́гим обогащённый.

Ра́дуйся, святы́й равноапóстольный Никóлае, земли́ Япо́нскаго
просвети́телю.

Кондак 10

Спасти́ всеусе́рдно тща́лся еси́ лю́ди отча́янные, И́стиннаго Бо́га не
веду́щая. И вся́кому вопроша́ющему, премудро́му и некни́жному,
я́сный отве́т о твоéм упова́нии возвеща́л еси́. Ны́не же, в се́ни
сме́ртней свет узре́вшая, ча́да тво́я со все́ю Це́рковью вопи́ют:
Аллилу́иа.

Икос 10

«Стена́ неруши́ма бу́ди ча́дом Це́ркве но́вья, о Пресвята́я Де́во
Богоро́дице!» – те́пле моля́шеся святи́тель. Пребыва́ше бо Це́рковь
Япо́нская посреде́ инове́рия. Мы же, зря́ще ны́не кре́пость и ве́рность
христиа́н япо́нских, поéм богомудро́му па́стырю си́це:

Ра́дуйся, па́стывы тво́ея моли́твенный покрóве;
ра́дуйся, Го́споду и Ма́тери Егó сию́ вруча́й.
Ра́дуйся, отроко́в и отрокови́ц моли́тися научи́вый;
ра́дуйся, высоту́ целомудрия́ ю́ным изъясни́вый.
Ра́дуйся, бра́ки честны́я соверша́вый;
ра́дуйся, градо́м и ве́сем мир приноси́вый.
Ра́дуйся, ста́рцу отцу́ до кончи́ны помога́вый;
ра́дуйся, во всех ну́ждах упова́ние на Бо́га возлага́вый.
Ра́дуйся, хитросплетéния злове́рных разруши́вый;
ра́дуйся, хле́бом Сло́ва Бо́жия па́ству твою́ насы́тивый.
Ра́дуйся, ду́шу за лю́ди япо́нскаго полага́вый;
ра́дуйся, успе́нием твои́м ча́да радостопеча́лия испо́лненный.

Ра́дуйся, святы́й равноапóстольный Никóлае, земли́ Япо́нскаго
просвети́телю.

Кондак 11

Пе́ние надгробно́е мно́гажды соверша́шеся, и слéзы мно́гия
пролива́шася, егда́ почи́ святи́тель Бо́жий, испо́лнив léта до́лга и до

дня послѣдняго не оставив трудов и попечений о возлюбленной пастве своей. Обаче благодатию Божественною утешаемии, воспеваша чада твоя, отче Николасе, Господеви: Аллилуиа.

Икос 11

Светло Церковь Японская прият благовестие на наречии своем от тебе, просветителю истинный, уподобился бо еси вселенским учителем, преложив Священное Писание и службу Божественную на язык японский, избирая письмена и начертания, премудрым и простым понятная. Темже почитающе доброделание твое, хвалим ты сице:

Радуйся, тайны Священнаго Писания постигнувый;

радуйся, пастве японской сия изъяснивый.

Радуйся, от соборнаго разума Церковнаго никакоже отступивый;

радуйся, удобоприятны твоя глаголы творивый.

Радуйся, в преложениях речения ясная избиравый;

радуйся, ложная и лестная отметаый.

Радуйся, службу священную на языке Японском новей Церкви дароваый;

радуйся, народ японский яко братьий до конца возлюбивый.

Радуйся, смиренный гордость мудрецов лжеименных;

радуйся, возлюбивый кратких и смиренных.

Радуйся, паству духовным медом и млеком питаый;

радуйся, блаженне от трудов твоих премногих почивый.

Радуйся, святыи равноапостольный Николасе, земли Японския просветителю.

Кондак 12

Благодать Божественная явися ясно в деяниях твоих, апостольским равных, священне Николасе, в любви твоей, самоотвержении духовных чад твоих ради и в попечениях о страждущих. Наипаче же Церковь Японская доньне святость твою возвещает, с нею же купно и мы воспеваем Господу: Аллилуиа.

Икос 12

Поюще радостно в лице русских святых твое прославление и равноапостольным именованье, сродниче наш и пастырю, со всею Церковию Православною зываем ти сице:

Радуйся, Святыя Церкви украшение;

радуйся, всех притекающих к тебе утешение.

Ра́дуйся, пра́вых сужде́ний свято́е зерка́ло;
ра́дуйся, страда́ний дивное врачевáние.
Ра́дуйся, подви́жающихся сподви́жнице;
ра́дуйся, нестро́ения вся́кая исправля́й.
Ра́дуйся, ча́д твои́х в ра́йских оби́телях обрета́й;
ра́дуйся, помина́ющих тя помина́й.
Ра́дуйся, све́том невече́рним вся озаря́й;
ра́дуйся, звездó, от За́пада до Восто́ка просия́вшая.
Ра́дуйся, любви́ Бо́жией пропове́днице;
ра́дуйся, во вся́ких напáстех моля́щимся тебе́ ско́рый помо́щнице.
Ра́дуйся, святы́й равноапóстольный Никóлае, земли́ Япо́нскаго
просвети́телю.

Кондак 13

О пресла́вный просвети́телю страны́ Япо́нскаго, прísный
моли́твенниче наш пред Го́сподем, равноапóстольне Никóлае! Приими́
ны́нешнее на́ше приноше́ние и умоли́ Спаси́теля Бо́га, да утверди́т в
вере́ и благоче́стии лю́ди правосла́вныя, и изба́вит нас от вся́ких
напáстей, бед и скорбе́й, враго́в ви́димых и неви́димых, и пода́ст
грехо́в оставле́ние, и ве́чных мук изба́вление, и Ца́рствия Небе́снаго
сподо́бит, да кúпно с тобо́ю и все́ми святы́ми Трои́це Святе́й во ве́ки
веко́в поём: Аллилу́иа.

Молитва святителю

Свя́тче Бо́жий, па́стырю до́брый, де́лателью ве́рный виногра́да
Христо́ва, равноапóстольне Никóлае! При́зри на град сей и на лю́ди
сия́, моли́ Христа́ Бо́га, да низпо́слет нам Ду́ха Своего́ Свята́го дар, во
е́же умудри́ти нас ходи́ти пред Ним во вся́ком благоче́стии и чистоте́
во вся дни́ жи́зни на́шей: да славосло́вляще и́мя Его́ все́вятóе во дни́ и
нощи́, сподо́бимся бы́ти наслéдницы жи́зни ве́чныя, и просла́вим Отца́
и Сы́на и Свята́го Ду́ха ны́не и прísно и во ве́ки веко́в. Ами́нь.